

周易

I 上 經

1. ☰ 乾上乾下

乾 元 亨 利 貞。

初九 潛龍勿用。

九二 見龍在田。利見大人。

九三 君子終日乾乾。夕惕若厲。无咎。

九四 或¹躍在淵。无咎。

九五 飛龍在天。利見大人。

上九 亢龍有悔。

用九 見羣龍无首。吉。

彖曰 大哉乾元。萬物資始。乃統天。雲行雨施。品物流形。大明終始。六位時成。時乘六龍以御天。乾道變化。各正性命。保合大和。乃利貞。首出庶物。萬國咸寧。

象曰 天行健。君子以自強²不

息。潛龍勿用。陽在下也。見龍在田。德施普也。終日乾乾。反復³道⁴也⁵。或躍在淵。進无咎也。飛龍在天。大人造⁶也。亢龍有悔。盈不可久也。用九。天德不可為首也。

文言曰 元者善之長也。亨者嘉之會也。利者義之和也。貞者事之幹也。君子體仁⁷足以長人。嘉會足以合禮。利物⁸足以和義。貞固足以幹事。君子行此四德者。故曰乾元亨利貞。

初九曰。潛龍勿用。何謂也。子曰。龍德而隱者也。不易乎世。不成乎名。遯世无悶。不見是而无悶。樂則行之。憂則違之。確乎其不可拔⁹。潛龍也。

九二曰。見龍在田。利見大人。

1. 或一作惑 1/2a 2. 強一作彊 1/2a 3. 復一作覆 1/2a 4. 道上一有之字 1/2a
5. 一無也字 1/2a 6. 造一作聚 1/2b 7. 仁一作信 1/2b 8. 物一作之 1/2b
9. 拔下一有者字 1/2b

何謂也。子曰。龍德而正中者也。庸言之信。庸行之謹。閑邪存其誠。善世而不伐。德博而化。易曰。見龍在田。利見大人。君德也。

九三曰。君子終日乾乾。夕惕若厲。无咎。何謂也。子曰。君子進德脩業。忠信所以進德也。脩辭立其誠。所以居業也。知至至之。可與¹幾也。知終終之。可與存義也。是故居上位而不驕。在下位而不憂。故乾乾因其時而惕。雖危无咎矣。

九四曰。或躍在淵。无咎。何謂也。子曰。上下无常。非爲邪也。進退无恒。非離羣也。君子進德脩業。欲及時也。故无咎。

九五曰。飛龍在天。利見大人。何謂也。子曰。同聲相應。同氣相求。水流濕。火就燥。雲從龍。風從虎。聖人作²而萬物覩。本乎天者親上。本乎地者親下。則各從其類也。

上九曰。亢龍有悔。何謂也。子

曰。貴而无位。高而无民。賢人在下位而无輔。是以動而有悔也。

潛龍勿用。下也。見龍在田。時舍也。終日乾乾。行事也。或躍在淵。自試也。飛龍在天。上治也。亢龍有悔。窮之災也。乾元用九。天下治也。

潛龍勿用。陽氣潛藏。見龍在田。天下文明。終日乾乾。與時偕行。或躍在淵。乾道乃革。飛龍在天。乃位乎天德。亢龍有悔。與時偕極。乾元用九。乃見天則。

乾元者。始而亨者也。利貞者。性情也。乾始能以美利利天下。不言所利。大矣哉。大哉乾乎。剛健中正。純粹精也。六爻發揮³。旁通情也。時乘六龍。以御天也。雲行雨施。天下平也。君子以成德爲行。日可見之行也。潛之爲言也。隱而未見。行而未成。是以君子弗用也。君子學以聚之。問以辯⁴之。寬

1. 與下一有言字 1/2b

2. 作一作起 1/2b

3. 揮一作輝 1/3a


4. 辯一作辨 1/3a

以居之。仁以行之。易曰。見龍
在田。利見大人。君德也。

九三。重剛而不中。上不在天。
下不在田。故乾乾因其時而
惕。雖危无咎矣。

九四。重剛而不中。上不在天。
下不在田。中不在人。故或¹之。
或之者。疑之也。故无咎。

夫大人者。與天地合其德。與
日月合其明。與四時合其序。
與鬼神合其吉凶。先天而天
弗違。後天而奉天時。天且弗
違。而況於人乎。況於鬼神乎。
亢之爲言也。知進而不知退。
知存而不知亡。知得而不知
喪。其唯聖²人乎³。知進退存亡
而不失其正者。其唯聖人乎。⁴

2.  坤上坤下

坤⁵ 元亨利牝馬之貞。君子有
攸往。先迷後得。主利。西南得
朋。東北喪朋。安貞吉。

象曰 至哉坤元。萬物資生。乃

順承天。坤厚載物。德合无疆。
含弘光大。品物咸亨。牝馬地
類。行地无疆⁶。柔順利貞。君子
攸行。先迷失道。後順得常。西
南得朋。乃與類行。東北喪朋。
乃終有慶。安貞之吉。應地无⁷
疆。

象曰 地勢坤。君子以厚德載
物。

初六 履霜 堅冰至。

象曰 履霜 堅冰⁸。陰始凝也⁹。馴
致其道。至堅冰也。

六二 直方大。不習无不利。

象曰 六二之動。直以方也。不
習无不利。地道光也。

六三 含章可貞。或從王事。无
成有終。

象曰 含章可貞。以時發也。或
從王事。知光大也。

六四 括囊无咎无譽。

象曰 括囊无咎。慎不害也。

六五 黃裳元吉。

象曰 黃裳元吉。文在中也。

1. 或一作惑，下句同 1/3a 2. 聖一作愚 1/3a 3. 一無此句 識 1/1a 4. 一無此句 1/3a
5. 坤一作☷ 1/3a 6. 疆一作域 1/3b 7. 无一作無 1/3b 8. 冰下一有至字 1/3b
9. 一無也字 1/3b

上經
坤
屯

上六 龍戰于野。其血玄黃。
 象曰 龍戰于野。其道窮也。
 用六 利永貞。
 象曰 用六永貞。以大終也。
 文言曰 坤至柔而動也剛。至
 靜而德¹方。後得主而有常。含
 萬物而化光。坤道其順乎。承
 天而時行。
 積善之家必有利慶。積不善
 之家必有利殃。臣弑其君。子
 弑其父。非一朝一夕之故。其
 所由²來者漸矣。由辯³之不早
 辯也。易曰。履霜。堅冰至。蓋言
 順也。
 直其正也。方其義也。君子敬
 以直內。義以方外。敬義立而
 德不孤。直方大。不習无不利。
 則不疑其所行也⁴。
 陰雖有美。含之以從王事。弗
 敢成也。地道也。妻道也。臣道
 也。地道无成。而代有終也。
 天地變化。草木蕃⁵。天地閉。

賢人隱。易曰。括囊无咎无譽。
 蓋言謹也⁶。
 君子黃中通理。正位居體。美
 在其中。而暢於四支。發於事
 業。美之至也。
 陰疑⁷於陽必戰。爲其嫌⁸於无
 陽也⁹。故稱龍焉。猶未離其
 類也。故稱血焉。夫玄黃者。天
 地之雜¹⁰也。天玄而地黃。

3. ䷂ 震下坎上

屯 元亨利貞。勿用有攸往。利
 建侯。

象曰 屯。剛柔始交而難生。動
 乎險中。大亨貞。雷雨之動滿
 盈。天造草昧。宜建侯而不寧。

象曰 雲雷屯。君子以經綸。
 初九 磐¹¹桓。利居貞。利建侯。
 象曰 雖磐桓。志行正也¹²。以
 貴下賤。大得民也。

六二 屯如。攔如。乘馬班¹³如。
 匪寇婚媾¹⁴。女子貞不字。十

1. 德下一有也字 1/4a 2. 由一作繇 1/4a 3. 辯一作變 1/4a 4. 一無也字 1/4a
 5. 蕃下一有茂字 1/4a 6. 一無也字 1/4a 7. 疑一作疑 1/4a 8. 嫌一作謙，亦作嫌 1/4a
 9. 一無也字 1/4a 10. 雜下一有色字 1/4a 11. 磐一作盤，又作槃 1/4b 12. 一無也字 1/4b
 13. 班一作般 1/4b 14. 媾一作媿，又作媿 1/4b

年乃字。

象曰 六二之難。乘剛也。十年乃字。反常也。

六三 卽鹿¹無²虞。惟入于林中。

君子幾³不如舍。往吝。

象曰 卽鹿无虞。以從禽也。君子舍之。往⁴吝窮也。

六四 乘馬班如。求婚媾。往吉。

无不利。


象曰 求而往。明也。

九五 屯其膏。小貞吉。大貞凶。

象曰 屯其膏。施未光也。

上六 乘馬班如。泣血漣如。

象曰 泣血漣如。何可⁵長也。

4.  坎下艮上

蒙 亨。匪我求童蒙。童蒙⁶求我。

初筮告。再三瀆。瀆則不告。利貞。

象曰 蒙。山下有險。險而止。蒙。

蒙亨。以亨行。時⁷中也。⁸匪我求

童蒙。童蒙⁹求我。志應也。初筮

告。以剛中也。再三瀆。瀆則不告。瀆蒙也。蒙以養正。聖功也。

象曰 山下出泉。蒙。君子以果行育德。

初六 發蒙。利用刑人。用說桎梏。以往吝。

象曰 利用刑人。以正法也。

九二 包¹⁰蒙吉。納婦吉。子克家。

象曰 子克家。剛柔節也。

六三 勿用取¹¹女。見金夫。不有躬。无攸利。

象曰 勿用取女。行不順也。

六四 困蒙。吝¹²。


象曰 困蒙之吝。獨遠實也。

六五 童蒙吉。

象曰 童蒙之吉。順以巽也。

上九 擊¹³蒙。不利爲寇。利禦¹⁴寇。

象曰 利用禦寇。上下順也。

5.  乾下坎上

需 有孚。光亨貞吉。利涉大川。

1. 鹿一作麓 1/4b 2. 無一作无 1/4b 3. 幾一作機 1/4b 4. 往一作无 1/4b
 5. 一無可字 1/4b 6. 蒙下一有來字 1/4b 7. 時上一有得字 1/4b 8. 也一作矣 1/4b
 9. 蒙下一有來字 1/4b 10. 包一作苞 1/5a 11. 取一作娶,下同 1/5a 12. 吝一作咎 1/5a
 13. 擊一作繫 1/5a 14. 禦上一有用字 1/5a

彖曰 需。須也。險在前也。剛健而不陷。其義不困窮矣。需有孚。光亨貞吉。位乎¹天位。以正中也。利涉大川。往有功也。

象曰 雲上於天²。需。君子以飲食宴樂。

初九 需于郊。利用恆。无咎。

象曰 需于郊。不犯難行也。利用恆无咎。未失常也。

九二 需于沙³。小有言。終吉。

象曰 需于沙。衍在中也。雖小有言。以終⁴吉也。

九三 需于泥。致寇至。

象曰 需于泥。災在外也。自我致寇⁵。敬慎不敗也。

六四 需于血。出自穴。

象曰 需于血。順以聽也。

九五 需于酒食。貞吉。

象曰 酒⁶食貞吉。以中正也。

上六 入于穴。有不速之客三人來。敬之終吉。

象曰 不速之客來。敬之終吉。

雖不當位。未大失也。

6. ䷄ 坎下乾上

訟 有孚。窒⁷惕。中吉。終凶。利見大人。不利涉大川。

象曰 訟。上剛下險。險而健。訟。

訟有孚。窒惕中吉。剛來而得中也。終凶。訟不可成也。利見大人。尚中正也。不利涉大川。入于淵也。

象曰 天與水違行。訟。君子以作事謀始。

初六 不永所事。小有言。終吉。

象曰 不永所事。訟不可長也。雖小有言。其辯明也。

九二 不克訟。歸而逋其邑。人三百戶。无眚。

象曰 不克訟。歸逋竄也。自下訟上。患至掇⁸也。

六三 食舊德。貞。厲終吉。或從王事。无成。

象曰 食舊德。從上吉也。

九四 不克訟。復即命。渝安貞。吉。

1. 乎一作于 2/16a

2. 雲上於天一作雲在天上 2/16b

3. 沙一作址 2/16b

4. 以終吉也一作以吉終也 2/16b

5. 寇一作戎 2/16b

6. 酒上一有需字 2/16b

7. 窒一作涖 2/16b

8. 掇一作撮 2/16b

象曰 復即命。渝安貞。不失也。

九五 訟。元吉。

象曰 訟元吉。以中正也。

上九 或錫之鞶¹帶。終朝三褫²之。

象曰 以訟受服。亦不足敬也。

7. ䷆ 坎下坤上

師 貞。丈人吉。无咎。

象曰 師。衆也。貞。正也。能以衆正。可以王矣。剛中而應。行險而順。以此毒天下。而民從之。吉又何咎矣。

象曰 地中有水。師。君子以容民畜衆。

初六 師出以律。否臧凶。

象曰 師出以律。失律凶也。

九二 在師中。吉。无咎。王三錫³命。

象曰 在師中。承天寵⁴也。王三錫命。懷萬邦也。

六三 師或輿尸。凶。

象曰 師或輿尸。大无功也。

六四 師左次。无咎。

象曰 左次无咎。未失常也。

六五 田有禽⁵。利執言。无咎。長子帥師。弟子輿尸。貞凶。

象曰 長子帥師。以中行也。弟子輿尸。使不當也。

上六 大君有命。開國承家。小人勿用。

象曰 大君有命。以正功也。小人勿用。必亂邦也。

8. ䷇ 坤下次上

比 吉。原筮元永貞。无咎。不寧方來。後夫凶。

象曰 比。吉也。比。輔也。下順從也。原筮元永貞无咎。以剛中也。不寧方來。上下應也。後夫凶。其道窮也。

象曰 地上有水。比。先王以建萬國。親諸侯。

初六 有孚比之。无咎。有孚盈缶。終來有它⁶吉。

象曰 比之初六。有它吉也。

六二 比之自內。貞吉。

象曰 比之自內。不自失也。

1. 鞶一作縶 2/17a 2. 褫一作扈 2/17a 3. 錫一作賜 2/17a 4. 寵一作龍 2/17a

5. 禽一作擒 2/17a 6. 它一作他 2/17b

上經
比
小畜
履

六三 比之匪人¹。
 象曰 比之匪人。不亦傷乎。
 六四 外比之。貞吉。
 象曰 外比於賢。以從上也。
 九五 顯比。王用三驅²。失前禽。
 邑人不誠³。吉。
 象曰 顯比之吉。位正中也。舍
 逆取順。失前禽也。邑人不誠。
 上使中也。
 上六 比之无首。凶。
 象曰 比之无首。无所終也。

9. ䷇ 乾下巽上

小畜 亨。密雲不雨。自我西郊。
 象曰 小畜。柔得位而上下應
 之。曰小畜。健而巽。剛中而志
 行。乃亨。密雲不雨。尚往也。自
 我西郊。施未行也。
 象曰 風行天上。小畜。君子以
 懿文德。
 初九 復自道。何其咎。吉。
 象曰 復自道。其義吉也。
 九二 牽復。吉。
 象曰 牽復在中。亦不自失也。

九三 輿說輻⁴。夫妻反目。
 象曰 夫妻反目。不能正室也。
 六四 有孚。血去惕出。无咎。
 象曰 有孚惕出。上合志也。
 九五 有孚攣⁵如。富以其鄰。
 象曰 有孚攣如。不獨富也。
 上九 既雨既處。尚德載⁶。婦貞
 厲。月幾⁷望。君子征凶。
 象曰 既雨既處。德積載也。君
 子征凶。有所疑也。

10. ䷉ 兌下乾上

履 虎尾。不咥人。亨。
 象曰 履。柔履剛也。說而應乎
 乾。是以履虎尾。不咥人。亨。剛
 中正。履帝位而不疚⁸。光明也。
 象曰 上天下澤。履。君子以辯
 上下。定民志。
 初九 素履往。无咎。
 象曰 素履之往。獨行願也。
 九二 履道坦坦。幽人貞吉。
 象曰 幽人貞吉。中不自亂也。
 六三 眇能視。跛能履。履虎尾。
 咥人凶。武人爲于大君。

1. 人下一有凶字 2/17b 2. 驅一作馭 2/17b 3. 誠一作戒 2/17b 4. 輻一作輹 2/17b
 5. 攣一作戀 2/17b 6. 載上一有積字 2/17b 7. 幾一作近 2/17b 8. 疚一作疾 2/18a

象曰 眇能視。不足以有明也。
跛能履。不足以與行也。陸人
之凶。位不當也。武人爲于大
君。志剛也。

九四 履虎尾。愬愬¹終吉。


象曰 愬愬終吉。志行也。

九五 夬履。貞厲。

象曰 夬履貞厲。位正當也。

上九 視履考祥²。其旋元吉。

象曰 元吉在上。大有慶也。

11.  乾下坤上

泰 小往大來。吉亨。

象曰 泰。小往大來吉亨。則是
天地交而萬物通也。上下交
而其志同也。內陽而外陰。內
健而外順。內君子而外小人。
君子道長。小人道消也。

象曰 天地交。泰。后以財³成天
地之道。輔相天地之宜。以左
右民。

初九 拔茅茹。以其彙⁴。征⁵吉。

象曰 拔茅征吉。志在外也。

九二 包⁶荒⁷。用馮河。不遐遺。朋
亡。得尚于中行。

象曰 包荒得尚于中行。以光
大也。

九三 无平不陂。无往不復。艱
貞无咎。勿恤其孚。于食有福。

象曰⁸ 无往不復。天地際也。

六四 翩翩⁹。不富以其鄰。不戒
以孚。


象曰 翩翩不富。皆失實也。不
戒以孚。中心願也。

六五 帝乙歸妹。以祉元吉。

象曰 以祉元吉。中以行願也。

上六 城復于隍。勿用師。自邑
告命。貞吝。

象曰 城復于隍¹⁰。其命亂也。

12.  坤下乾上

否 之匪人。不利君子貞。大往
小來。

象曰 否之匪人。不利君子貞。
大往小來。則是天地不交而
萬物不通也。上下不交而天

1. 愬愬一作號號 2/18a 2. 祥一作詳 2/18a 3. 財一作裁 2/18a 4. 彙一作曹亦作資 2/18b
5. 征一作往 2/18b 6. 包一作苞 2/18b 7. 荒一作荒 2/18b 8. 象曰下一有無平不陂四字
2/18b 9. 翩翩一作偏偏 2/18b 10. 隍一作隍,或作隍 2/18b

上經
否同人

下无邦也。內陰而外陽。內柔而外剛。內小人而外君子。小人道長。君子道消也。

象曰 天地不交。否。君子以儉德辟難。不可榮以祿。

初六 拔茅茹。以其彙。貞吉。亨。

象曰 拔茅¹貞吉。志在君也。

六二 包承。小人吉。大人否。亨。

象曰 大人否。亨。不亂羣也。

六三 包羞。

象曰 包羞。位不當也。

九四 有命无咎。疇²離祉。

象曰 有命无咎。志行也。

九五 休否。大人吉。其亡其亡。

繫于³苞⁴桑。

象曰 大人之吉。位正當也。

上九 傾否。先否後喜。

象曰 否終則傾。何可長也。

13. ䷋ 離下乾上

同人 于野。亨利涉大川。利君子貞。

象曰 同人。柔得位得中而應乎乾。曰同人。同人曰。同人于

野。亨利涉大川。乾行也。文明以健。中正而應。君子正也。唯君子爲能通天下之志。

象曰 天與火。同人。君子以類族辨物。

初九 同人于門。无咎。

象曰 出門同人。又誰咎也。

六二 同人于宗。吝。

象曰 同人于宗。吝道也。

九三 伏戎于莽。升其高陵。三歲不興。

象曰 伏戎于莽。敵剛也。三歲不興。安行也。

九四 乘其墉⁵。弗克攻。吉。

象曰 乘其墉。義弗克也。其吉。則困而反則也。

九五 同人先號咷而後笑。大師克相遇。

象曰 同人之先。以中直也。大師相遇。言相克也。

上九 同人于郊。无悔。

象曰 同人于郊。志未得也。

14. ䷀ 乾下離上

1. 茅下一有茹字 2/18b 2. 疇一作焉字 2/18b 3. 一無于字 2/19a 4. 苞一作包 2/19a

5. 墉一作庸 2/19a

大有 元亨。

象曰 大有。柔得尊位大中。而上下應之。曰大有。其德剛健而文明。應乎天而時行。是以元亨。

象曰 火在天上。大有。君子以遏惡揚善。順天休命。

初九 无交害。匪咎。艱則无咎。

象曰 大有初九。无交害也。

九二 大車¹以載。有攸往。无咎。

象曰 大車以載。積中不敗也。

九三 公用亨于天子。小人弗克。

象曰 公用亨于天子。小人害也。

九四 匪其彭²。无咎。

象曰 匪其彭。无咎。明辯³哲⁴也⁵。


六五 厥孚交如。威如。吉。

象曰 厥孚交如。信以發志也。

威如之吉。易而无備也。

上九 自天祐之。吉无不利。

象曰 大有上吉。自天祐也。

15.  艮下坤上

謙⁶ 亨。君子有終。

象曰 謙亨。天道下濟而光明。

地道卑而上行。天道虧⁷盈而

益謙。地道變盈而流謙。鬼神

害盈而福⁸謙。人道惡盈而好

謙。謙尊而光。卑而不可踰。君

子之終也。

象曰 地中有山。謙。君子以裒⁹

多益寡。稱物平施。

初六 謙謙君子。用涉大川。吉。

象曰 謙謙君子。卑以自牧也。

六二 鳴謙。貞吉。

象曰 鳴謙貞吉。中心得也。

九三 勞謙君子。有終吉。

象曰 勞謙君子。萬民服也。

六四 无不利。撝謙。

象曰 无不利撝謙。不違則也。

六五 不富以其鄰。利用侵¹⁰伐。

无不利。

象曰 利用侵伐。征不服也。

1. 車一作輿 2/19b

2. 彭一作旁,或作厖 2/19b

3. 辯一作辨 2/19b

4. 哲一作智,或作晰,或作哲,或作澁,或作逝,或作折 2/19b

5. 一無也字 2/19b

6. 謙一作嗛 2/19b

7. 虧一作毀 2/20a

8. 福一作富 2/20a

9. 裒一作褻,或作掬 2/20a

10. 侵一作寢 2/20a

上經
謙
豫
隨

上六 鳴謙。利用行師。征邑¹國。
象曰 鳴謙。志未得也。可²用行
師。征邑國也。

16. ䷏ 坤下震上

豫 利建侯行師。

象曰 豫。剛應而志行。順以動。
豫。豫順以動。故天地如之。而
況建侯行師乎。天地以順動。
故日月不過。而四時不忒³。聖
人以順動。則刑罰清而民服。
豫之時義大矣哉。

象曰 雷出地奮。豫。先王以作
樂崇德。殷⁴薦⁵之上帝。以配祖
考。

初六 鳴豫。凶。

象曰 初六鳴豫。志窮凶也。

六二 介⁶于石。不終日。貞吉。

象曰 不終日貞吉。以中正也。

六三 盱⁷豫⁸悔。遲⁹有悔。

象曰 盱豫有悔。位不當也。

九四 由¹⁰豫。大有得。勿疑。朋盍
簪¹¹。

象曰 由豫大有得。志大行也。

六五 貞疾。恆不死。

象曰 六五。貞疾。乘剛也。恆不
死。中未亡也。

上六 冥豫。成有渝。无咎。

象曰 冥豫在上。何可長也。

17. ䷐ 震下兌上

隨 元亨利貞。无咎。

象曰 隨。剛來而下柔。動而說。
隨。大亨¹²貞无咎。而天下隨
時¹³。隨時之¹⁴義大矣哉。

象曰 澤中有雷。隨。君子以嚮¹⁵
晦入宴息。

初九 官¹⁶有渝。貞吉。出門交有
功。

象曰 官有渝。從正吉也。出門
交有功。不失也。

六二 係小子。失丈夫。

1. 一無邑字 2/20a 2. 可一作利 2/20a 3. 忒一作貸 2/20a 4. 殷一作隱 2/20a
5. 薦一作薦,或作薦 2/20a 6. 介一作介,或作介 2/20a 7. 盱一作盱,或作盱 2/20a
8. 豫下一有有字 2/20a 9. 遲一作遲 2/20a 10. 由一作猶 2/20b 11. 簪一作貨,
或作簪,或作簪,或作宗,或作戡 2/20b 12. 亨下一有利字 3/17a 13. 時一作之 3/17a
14. 時之一作之時 3/17a 15. 嚮一作向,或作嚮 3/17a 16. 官一作館 3/17a

象曰 係小子。弗兼與也。
 六三 係丈夫。失小子。隨有求得。利居貞。
 象曰 係丈夫。志舍下也。
 九四 隨有獲。貞凶。有孚在道以明。何咎。
 象曰 隨有獲。其義凶也。有孚在道。明功也。
 九五 孚于嘉。吉。
 象曰 孚于嘉吉。位正中¹也。
 上六 拘係之。乃從維之。王用亨于西山。
 象曰 拘係之。上窮也。

18. ䷐ 巽下艮上

蠱 元亨利涉大川。先甲三日。後甲三日。
 象曰 蠱。剛上而柔下。巽而止。蠱。蠱元亨而天下治也。利涉大川。往有事也。先甲三日。後甲三日。終則有始。天行也。
 象曰 山下有風。蠱。君子以振民育²德。
 初六 幹父之蠱。有子。考无咎。

厲終吉。

象曰 幹父之蠱。意承考也。
 九二 幹母之蠱。不可貞。
 象曰 幹母之蠱。得中道也。
 九三 幹父之蠱。小有悔。无大咎。
 象曰 幹父之蠱。終无咎也。
 六四 裕父之蠱。往見吝。
 象曰 裕父之蠱。往未得也。
 六五 幹父之蠱。用譽。
 象曰 幹父³用譽。承以德也。
 上九 不事王侯。高尚其事。
 象曰 不事王侯。志可則也。

19. ䷒ 兌下坤上

臨 元亨利貞。至于八月有凶。
 象曰 臨。剛浸而長。說而順。剛中而應。大亨以正。天之道也。至于八月有凶。消不久也。
 象曰 澤上有地。臨。君子以教思无窮。容保民无疆。
 初九 咸臨貞吉。
 象曰 咸臨貞吉。志行正也。
 九二 咸臨吉。无不利。

1. 正中一作中正 3/17a

2. 育一作毓 3/17b

3. 父下一有之蠱二字 3/17b

象曰 咸臨吉。无不利。未順命也。

六三 甘臨。无攸利。既憂之。无咎。

象曰 甘臨。位不當也。既憂之。咎不長也。

六四 至臨。无咎。

象曰 至臨无咎。位當¹也。

六五 知臨。大君之宜。吉。

象曰 大君之宜。行中之謂也。

上六 敦臨。吉。无咎。

象曰 敦臨之吉。志在內也。

20. ䷁ 坤下巽上

觀 盥而不²薦³。有孚顒若。

象曰 大觀在上。順而巽。中正以觀天下。觀。盥而不薦。有孚顒若。下觀而化也。觀天之神道⁴。而四時不忒。聖人以⁵神道設教。而天下服矣。

象曰 風行地上。觀。先王以省方觀民設教。

初六 童觀。小人无咎。君子吝。

象曰 初六童觀。小人道也。

六二 闕⁶觀。利女貞。

象曰 闕觀女⁷貞。亦可醜也。

六三 觀我生進退。

象曰 觀我生進退。未失道也。

六四 觀國之光。利用賓于王。

象曰 觀國之光。尚賓也。

九五 觀我生。君子无咎。

象曰 觀我生。觀民也。

上九 觀其生。君子无咎。

象曰 觀其生。志未平也。

21. ䷔ 震下離上

噬嗑 亨。利用獄。

象曰 頤中有物。曰噬嗑。噬嗑而亨。剛柔分。動而明。雷電合而章。柔得中而上行。雖不當位。利用獄也。

象曰 雷電噬嗑。先王以明罰勅⁸法。

初九 履校⁹滅趾¹⁰。无咎。

象曰 履校滅趾。不行也。

六二 噬膚滅鼻。无咎。

1. 位當或作當位 3/17b 2. 不一作觀 3/17b 3. 薦一作薦 3/17b 4. 道下一有日月不過四字 3/17b 5. 一無以字 3/17b 6. 闕一作窺 3/18a 7. 女上一有利字 3/18a 8. 勅一作放 3/18b 9. 校一作校 3/18b 10. 趾一作止 3/18b

象曰 噬膚滅鼻。乘剛也。

六三 噬腊肉。遇毒。小吝。无咎。

象曰 遇毒。位不當也。

九四 噬乾肺¹。得金矢。利艱
貞²。吉。

象曰 利艱貞吉。未光³也。

六五 噬乾肉。得黃金。貞厲。无
咎。

象曰 貞厲无咎。得當也。

上九 何⁴校滅耳。凶。

象曰 何校滅耳。聰不明也⁵。

22. ䷔ 離下 艮上

賁 亨。小利⁶有攸往。

象曰 賁亨。柔來而文剛。故亨。

分剛上而文柔。故小利有攸
往。天文也。文明以止。人文也。

觀乎天文。以察時變。觀乎人
文。以化成天下。

象曰 山下有火。賁。君子以明⁷
庶政。无敢折獄。

初九 賁其趾⁸。舍車⁹而徒。

象曰 舍車而徒。義弗乘也。

六二 賁其須。

象曰 賁其須。與上興也。

九三 賁如濡如。永貞吉。

象曰 永貞之吉。終莫之陵也。

六四 賁如皤¹⁰如。白馬翰如。匪
寇婚媾。

象曰 六四。當位疑也。匪寇婚
媾。終无尤也。

六五 賁¹¹于丘園。束帛戔戔¹²。
吝。終吉。

象曰 六五之吉。有喜也。

上九 白賁。无咎。

象曰 白賁无咎。上得志也。

23. ䷖ 坤下 艮上

剝 不利有攸往。

象曰 剝。剝也。柔變剛也。不利
有攸往。小人長也。順而止之。
觀象也。君子尙消息盈虛。天
行也。

象曰 山附於地。剝。上以厚下

1. 肺一作肫 3/18b 2. 貞下一有大字 3/18b 3. 光下一有大字 3/18b 4. 何一作荷 3/18b
5. 一無也字 3/18b 6. 利下一有貞字 3/18b 7. 明一作命 3/19a 8. 趾一作止 3/19a
9. 車一作輿 3/19a 10. 皤一作蹠,或作波 3/19a 11. 賁一作世 3/19a 12. 戔戔一作
殘殘 3/19a

上經
剝復
无妄

安宅。

初六 剝牀以足。蔑¹貞凶。

象曰 剝牀以足。以滅下也。

六二 剝牀以辨。蔑貞凶。

象曰 剝牀以辨。未有與也。

六三 剝之²无咎。

象曰 剝之无咎。失上下也。

六四 剝牀以膚³。凶。

象曰 剝牀以膚。切近災也。

六五 貫魚。以宮人寵。无不利。

象曰 以宮人寵。終无尤也。

上九 碩果不食。君子得輿⁴。小人剝廬。

象曰 君子得輿。民所載也。小人剝廬。終不可用也。

24 ䷖ 震下坤上

復 亨。出入无疾。朋⁵來无咎。反復⁶其道。七日來復。利有攸往。

象曰 復亨。剛反。動而以順行。

是以出入无疾。朋來无咎。反

復其道。七日來復。天行也。利

有攸往。剛長也。復其見天地

之心乎。

象曰 雷在地中。復。先王以至日閉關。商旅不行。后不省方。

初九 不遠復。无祗⁷悔。元吉。

象曰 不遠之復。以脩身也。

六二 休復。吉。

象曰 休復之吉。以下仁也。

六三 頻⁸復。厲。无咎。

象曰 頻復之厲。義无咎也。

六四 中行獨復。

象曰 中行獨復。以從道也。

六五 敦復。无悔。

象曰 敦復无悔。中以自考也。

上六 迷復。凶。有災⁹眚。用行師。終有大敗。以其國君凶。至于十年不克征。

象曰 迷復之凶。反君道也。

25. ䷗ 震下乾上

无妄 元亨利貞。其匪正有眚。

不利有攸往。

象曰 无妄。剛自外來。而為主於內。動而健。剛中而應。大亨

1. 蔑一作滅 3/19a 2. 一無之字 3/19b 3. 膚一作廬 3/19b 4. 得輿一作德輿，或作德車 3/19b 5. 朋一作崩 3/19b 6. 復一作覆 3/19b 7. 祗一作祗，或作提，或作致 3/19b 8. 頻一作頰，或作羸 3/19b 9. 災一作灾，或作裁 3/20a

以正。天之命也。其匪正有眚。
不利有攸往。无妄之往。何之
矣。天命不祐¹。行矣哉。
象曰 天下雷行²。物與无妄。先
王以茂對時育萬物。
初九 无妄。往吉。
象曰 无妄之往。得志也。
六二 不耕穫³。不菑畲。則利有
攸往。
象曰 不耕穫⁴。未富也。
六三 无妄之災。或繫之牛。行
人之得。邑人之災。
象曰 行人得牛。邑人災也。
九四 可貞。无咎。
象曰 可貞无咎。固有之也。
九五 无妄之疾。勿藥有喜。
象曰 无妄之藥。不可試也。
上九 无妄。行有眚。无攸利。
象曰 无妄之行。窮之災也。

26. ䷀ 乾下艮上

大畜 利貞。不家食。吉。利涉大

川。

象曰 大畜。剛健篤實輝⁵光。日
新其德。剛上而尚賢。能止健。
大正也。不家食吉。養賢也。利
涉大川。應乎天也。
象曰 天在山中。大畜。君子以
多識⁶前言往行。以畜其德。
初九 有厲。利已⁷。
象曰 有厲利已。不犯災也。
九二 輿⁸說輓⁹。
象曰 輿說輓。中无尤也。
九三 良馬逐¹⁰。利艱貞。曰¹¹閑
輿衛。利有攸往。
象曰 利有攸往。上合志也。
六四 童牛之牯¹²。元吉。
象曰 六四元吉。有喜也。
六五 豮豕之牙。吉。
象曰 六五之吉。有慶也。
上九 何天之衢。亨。
象曰 何天之衢。道大行也。

27. ䷇ 震下艮上

1. 祐一作佑,或作右 3/20a 2. 行一作往 3/20a 3. 獲上一有而字 3/20a 4. 獲上
一有而字 3/20a 5. 輝一作輝 3/20a 6. 識一作志 3/20b 7. 已一作已 3/20b
8. 輿一作輿 3/20b 9. 輓一作輓 3/20b 10. 逐一作逐逐 3/20b 11. 曰一作日 3/20b
12. 牯一作告 3/20b

頤 貞吉。觀頤。自求口實¹。

象曰 頤。貞吉。養正則吉也。觀頤。觀其所養也。自求口實。觀其自養也。天地養萬物。聖人養賢以及萬民。頤之時大矣哉。

象曰 山下有雷。頤。君子以慎言語。節飲食。

初九 舍爾靈龜。觀我朵頤。凶。

象曰 觀我朵²頤。亦不足貴也。

六二 顛頤。拂³經于丘。頤征凶。

象曰 六二征凶。行失類也。

六三 拂頤。貞凶。十年勿用。无攸利。

象曰 十年勿用。道大悖也。

六四 顛頤。吉。虎視眈眈。其欲逐逐⁴。无咎。


象曰 顛頤之吉。上施光也。

六五 拂經。居貞吉。不可涉大川。

象曰 居貞之吉。順以從上也。

上九 由頤。厲吉。利涉大川。

象曰 由頤厲吉。大有慶也。

28.  巽下兌上

大過 棟撓⁵。利有攸往。亨。

象曰 大過。大者過也。棟撓。本末弱也。剛過而中。巽而說行。利有攸往。乃亨。大過之時大矣哉。

象曰 澤滅木。大過。君子以獨立不懼。遯⁶世无悶。

初六 藉用白茅。无咎。

象曰 藉用白茅。柔在下也。

九二 枯楊生稊⁷。老夫得其女妻。无不利。

象曰 老夫女妻。過以相與也。

九三 棟撓。凶。

象曰 棟撓之凶。不可以有輔也。

九四 棟隆。吉。有它吝。


象曰 棟隆之吉。不撓乎下也。

九五 枯楊生華。老婦得其士夫。无咎无譽。

象曰 枯楊生華。何可久也。老婦士夫。亦可醜也。

上六 過涉滅頂。凶。无咎。

象曰 過涉之凶。不可咎也。

29.  坎下坎上

1. 實一作食 3/20b

2. 朵一作揣 3/20b

3. 拂一作弗 3/21a

4. 逐逐一作攸攸，或作悠悠，或作寔 3/21a

5. 撓一作撓 3/21a

6. 遯一作遁 3/21a

7. 稊一作穉 3/21a

習坎¹。有孚。維心亨。行有尚。

象曰 習坎。重險也。水流而不盈。行險而不失其信。維心亨。乃以剛中也。行有尚。往有功也。天險不可升也。地險山川丘陵也。王公設險以守其國。險之時用大矣哉。

象曰 水洊²至。習坎。君子以常德行。習教事。

初六 習坎。入于坎窞。凶。

象曰 習坎入坎。失道凶也

九二 坎有險。求小得

象曰 求小得。未出中也。

六三 來之坎坎。險³且枕⁴。入于坎窞。勿用。

象曰 來之坎坎。終无功也。

六四 樽酒簋⁵。用缶。納約自牖。終无咎。


象曰 樽酒簋⁶。剛柔際也。

九五 坎不盈。祗⁷既平。无咎。

象曰 坎不盈。中未大⁸也。

上六 係用徽纆。寘⁹于叢棘。三歲不得。凶。

象曰 上六失道。凶三歲也。

30.  離下離上

離 利貞。亨。畜牝牛。吉。

象曰 離。麗也。日月麗乎天。百穀草木麗乎土¹⁰。重明以麗乎正。乃化成天下。柔麗乎中正。故亨。是以畜牝牛吉也。

象曰 明兩作離。大人以繼明照于四方。

初九 履錯然。敬之。无咎。

象曰 履錯之敬。以辟咎也。

六二 黃離。元吉。

象曰 黃離元吉。得中道也。

九三 日昃¹¹之離。不鼓¹²缶而歌。則大耋¹³之嗟¹⁴。凶¹⁵。

象曰 日昃之離。何可久也。

九四 突如其來如。焚如。死如。

1. 坎一作習，或作飲 3/21a 2. 洊一作臻，或作荐 3/21b 3. 險一作檢 3/21b
4. 枕一作玷，或作沈 3/21b 5. 牖一作誘 3/21b 6. 一無貳字 3/22a 7. 祗一作祗，或作禋 3/22a 8. 大上一有光字 3/22a 9. 寘一作示，或作濕，或作寔，作或置 3/22a
10. 土一作地 3/22a 11. 昃一作吳，或作仄 3/22a 12. 鼓一作擊 3/22a 13. 耋一作耄，或作經，或作暉 3/22a 14. 嗟一作差 3/22a 15. 一無凶字 3/22a

上經
離
下經
咸恆

棄¹如。

象曰 突如其來如。无所容也。

六五 出涕沱²若。戚³嗟若。吉。

象曰 六五之吉。離⁴王公也。

上九 王用出征。有嘉。折首。獲

匪其醜。无咎。

象曰 王用出征。以正邦也。

II 下 經

31 ䷞ 艮下兌上

咸 亨。利貞。取⁵女吉。

象曰 咸。感也。柔上而剛下。二

氣感應以相與。止而說。男下

女。是以亨利貞取女吉也。天

地感而萬物化生。聖人感人

心而天下和平。觀其所感。而

天地萬物之情可見矣。

象曰 山上有澤。咸。君子以虛

受人。

初六 咸其拇⁶。

象曰 咸其拇。志在外也。

六二 咸其腓⁷。凶。居吉。

象曰 雖凶居吉。順不害也。

九三 咸其股。執其隨。往吝。

象曰 咸其股。亦不處也。志在隨人。所執下也。

九四 貞吉悔亡。憧憧⁸往來。朋從爾思。

象曰 貞吉悔亡。未感害也。憧憧往來。未光大也。

九五 咸其脢。无悔。

象曰 咸其脢。志末也。

上六 咸其輔頰⁹舌。

象曰 咸其輔頰舌。滕¹⁰口說也。

32 ䷟ 巽下 上

恆 亨。无咎。利貞。利有攸往。

象曰 恆。久也。剛上而柔下。雷

風相與。巽而動。剛柔皆應。恆。

恆亨无咎。利貞。久於其道也。

天地之道。恆久而不已也。利

有攸往。終則有始也。日月得

天而能久照。四時變化而能

久成。聖人久於其道。而天下

化成。觀其所恆。而天地萬物

之情可見矣。

1. 棄一作弃 3/22b 2. 沱一作池,或作沱 3/22b 3. 戚一作嗷 3/22b 4. 離一作麗 3/22b
5. 取一作娶 4/14b 6. 拇一作晦,或作母 4/14b 7. 腓一作肥 4/14b 8. 憧憧一作種憧 4/14b
9. 輔一作輔,頰一作俠 4/14b 10. 滕一作乘,或作滕 4/14b

象曰 雷風恆。君子以立不易方。

初六 浚¹恆貞凶。无攸利。

象曰 浚恆之凶。始求深也。

九二 悔亡。

象曰 九二悔亡。能久中也。

九三 不恆其德。或²承之羞。貞吝。

象曰 不恆其德。无所容也。

九四 田无禽。

象曰 久非其位。安得禽也。

六五 恒其德貞。婦人吉。夫子凶。

象曰 婦人貞吉。從一而終也。

夫子制義。從婦凶也。

上六 振³恆凶。

象曰 振恆在上。大无功也。

33 ䷋ 艮下乾上

遯 亨。小利貞。

象曰 遯亨。遯而亨也。剛當位而應。與時行也。小利貞。浸而長也。遯之時義大矣哉。

象曰 天下有山。遯。君子以遠

小人。不惡而嚴。

初六 遯尾厲。勿用有攸往。

象曰 遯尾之厲。不往何災也。

六二 執之用黄牛之革。莫之勝說。

象曰 執用黄牛。固志也。

九三 係⁴遯。有疾厲。畜臣妾吉。

象曰 係遯之厲。有疾憊⁵也。畜臣妾吉。不可大事也。

九四 好遯。君子吉。小人否。

象曰 君子好遯。小人否也。

九五 嘉遯貞吉。

象曰 嘉遯貞吉。以正志也。

上九 肥遯无不利。

象曰 肥遯无不利。无所疑也。

34 ䷗ 乾下震上

大壯 利貞。

象曰 大壯。大者壯也。剛以動。故壯。大壯利貞。大者正也。正大而天地之情可見矣。

象曰 雷在天上。大壯。君子以非禮弗履。

初九 壯于趾。征凶有孚。

1. 浚一作濬 4/15a 2. 或一作咸 4/15a 3. 振一作震 4/15a 4. 係一作繫 4/15a
5. 憊一作斃,或作備 4/15a

下經 大壯 晉 明夷

象曰 壯于趾。其孚窮也。

九二 貞吉。

象曰 九二貞吉。以中也。

九三 小人用壯。君子用罔。貞

厲。羝羊觸藩。羸¹其角。

象曰 小人用壯。君子罔²也。

九四 貞吉。悔亡。藩決不羸。壯

于大輿之輹³。

象曰 藩決不羸。尚往也。

六五 喪羊于易。无悔。

象曰 喪羊于易。位不當也。

上六 羝羊觸藩。不能退。不能

遂。无攸利。艱則吉。

象曰 不能退。不能遂。不詳⁴也。

艱則吉。咎不長也。

35 ䷢ 坤下離上

晉⁵ 康侯用錫馬蕃庶。晝日三接。

象曰 晉。進也。明出地上。順而麗乎大明。柔進而上行。是以康侯用錫馬蕃庶。晝日三接也。

象曰 明出地上。晉。君子以自

昭明德。

初六 晉如摧如。貞吉。罔孚。裕无咎。

象曰 晉如摧如。獨行正也。裕无咎。未受命也。

六二 晉如愁如。貞吉。受茲介福。于其王母。

象曰 受茲介福。以中正也。

六三 衆允悔亡。

象曰 衆允之志。上行也。

九四 晉如鼫鼠。貞厲。

象曰 鼫鼠貞厲。位不當也。

六五 悔亡。失⁷得勿恤。往吉无不利。

象曰 失得勿恤。往有慶也。

上九 晉其角。維用伐邑。厲吉无咎。貞吝。

象曰 維用伐邑。道未光也。

36 ䷣ 離下坤上

明夷 利艱貞。

象曰 明入地中。明夷。內文明而外柔順。以蒙大難。文王以⁸之。利艱貞。晦其明也。內難而

1. 羸一作縲,或作纍,或作累,或作藁 4/15b 2. 罔上一有用字 4/15b 3. 輹一作輻 4/15b 4. 詳一作詳 4/15b 5. 晉一作齊 4/15b 6. 鼫一作碩 4/16a 7. 失一作矢 4/16a 8. 以一作似,下同 4/16a

能正其志。箕子以之。

象曰 明入地中。明夷。君子以
莅衆。用晦而明。

初九 明夷于飛。垂其翼。君子
于行。三日不食。有攸往。主人
有言。

象曰 君子于行。義不食也。

六二 明夷。夷¹于左股²。用拯³
馬壯吉。

象曰 六二之吉。順以則也。

九三 明夷于南狩⁴。得其大首。
不可疾貞。

象曰 南狩之志。乃得⁵大也。

六四 入于左腹。獲明夷之心。
于出門庭。


象曰 入于左腹。獲心意也⁶。

六五 箕子⁷之明夷。利貞。

象曰 箕子之貞。明不可息也。

上六 不明晦。初登于天。後入
于地。

象曰 初登于天。照四國也。後
入于地。失則也。

37  離下巽上

家人 利女貞。

象曰 家人。女正位乎內。男正
位乎外。男女正。天地之大義
也。家人有嚴君焉。父母之謂
也。父父。子子。兄兄。弟弟。夫夫。
婦婦。而家道正。正家而天下
定矣。

象曰 風自火出。家人。君子以
言有物。而行有恆。

初九 閑有家。悔亡。

象曰 閑有家。志未變也⁸。

六二 无攸遂。在中饋。貞吉。

象曰 六二之吉。順以巽也。

九三 家人嗃嗃⁹。悔厲吉。婦
子嘻嘻¹⁰。終吝。

象曰 家人嗃嗃。未失也。婦子
嘻嘻。失家節也。

六四 富家大吉。

象曰 富家大吉。順在位也。

九五 王假有家。勿恤吉。

象曰 王假有家。交相愛也。

上九 有孚威如。終吉。

象曰 威如之吉。反身之謂也。

1. 夷一作曠，或作曠 4/16a 2. 左股一作右髀 4/16a 3. 拯一作折 4/16a 4. 狩一作守 4/16b
5. 得大一作大得 4/16b 6. 也一作者 4/16b 7. 箕一作其，箕子一作箕子 4/16b 8. 也上一
有之字 4/16b 9. 嗃嗃一作嗃嗃，或作嗃嗃 4/16b 10. 嘻嘻一作嬉嬉，或作喜喜 4/16b

下經
睽 蹇

38 睽 兌下離上

睽 小事吉。

象曰 睽。火動而上。澤動而下。二女同居。其志不同行。說而麗乎明。柔進而上行。得中而應乎剛。是以小事吉。天地睽而其事同也。男女睽而其志通也。萬物睽而其事類也。睽之時用大矣哉。

象曰 上火下澤。睽。君子以同而異。

初九 悔亡。喪馬勿逐自復。見惡人。无咎。

象曰 見惡人。以辟咎也。

九二 遇主于巷。无咎。

象曰 遇主于巷。未失道也。

六三 見輿曳。其牛掣¹。其人天且劓²。无初有終。

象曰 見輿曳。位不當也。无初有終。遇剛也。

九四 睽孤。遇元夫。交孚。厲无咎。

象曰 交孚无咎。志行也。

六五 悔亡。厥宗噬膚。往何咎。

象曰 厥宗噬膚。往有慶也。

上九 睽孤。見豕負塗。載鬼一車。先張之弧。後說之弧³。匪寇婚媾。往遇雨則吉。

象曰 遇雨之吉。羣疑亡也。

39 蹇 艮下坎上

蹇 利⁴西南⁵不利東北。利見大人。貞吉。

象曰 蹇。難也。險在前也。見險而能止。知矣哉。蹇利西南。往得中也。不利東北。其道窮也。利見大人。往有功也。當位貞吉。以正邦⁵也。蹇之時用大矣哉。

象曰 山上有水。蹇。君子以反身修德。

初六 往蹇來譽。

象曰 往蹇來譽。宜待⁶也。

六二 王臣蹇蹇。匪躬之故。

象曰 王臣蹇蹇。終无尤也。

九三 往蹇來反。

象曰 往蹇來反。內喜之也。

1. 掣一作掣,或作界,或作騎,或作習 4/17a 2. 劓一作斃 4/17a 3. 弧一作壺 4/17a

4. 利下一有也字 4/17a 5. 邦一作國 4/17b 6. 待一作時,一作待時 4/17b

六四 往蹇來連。

象曰 往蹇來連。當位實也。


九五 大蹇朋來。

象曰 大蹇朋來。以中節也。

上六 往蹇來碩。吉。利見大人。

象曰 往蹇來碩。志在內也。利

見大人。以從貴也。

40  坎下震上

解 利西南。无所往。其來復吉。

有攸往。夙吉。

象曰 解。險以動。動而免乎險。

解。解利西南。往得衆也。其來

復吉。乃得中也。有攸往夙吉。

往有功也。天地解而雷雨作。

雷雨作而百果草木皆甲坼¹。

解之時大矣哉。

象曰 雷雨作。解。君子以赦過

宥²罪。

初六 无咎。

象曰 剛柔之際。義无咎也。

九二 田獲三狐。得黃矢。貞吉。

象曰 九二貞吉。得中道也。

六三 負且乘。致寇至。貞吝。

象曰 負且乘。亦可醜也。自我

致戎³。又誰咎也。

九四 解而拇⁴。朋至斯孚。

象曰 解而拇。未當位也。

六五 君子維有解。吉。有孚于


小人。

象曰 君子有解。小人退也。

上六 公用射隼于高墉之上。

獲之无不利。

象曰 公用射隼。以解悖也。

41  兌下艮上

損 有孚。元吉。无咎。可貞。利有

攸往。曷之用。二簋⁵可用享。

象曰 損。損下益上。其道上行。

損而有孚。元吉。无咎。可貞。利

有攸往。曷之用。二簋可用享。

二簋應有時。損剛益柔有時。

損益盈虛。與時偕行。

象曰 山下有澤。損。君子以懲⁶

忿窒⁷欲⁸。

初九 已事遄往。无咎。酌損之。

1. 坼一作拆,或作拆,或作宅 4/17b 2. 宥一作尤 4/17b 3. 戎一作寇 4/18a

4. 拇一作母 4/18a 5. 簋一作執 4/18a 6. 懲一作徵,或作澄 4/18a

7. 窒一作憤,或作隘,或作眷 4/18a 8. 欲一作裕 4/18a

下經
損益
夬

象曰 已¹事遄²往。尚合志也。

九二 利貞。征³凶。弗損益之。

象曰 九二利貞。中以爲志也。

六三 三人行。則損一人。一人行。則得其友。

象曰 一人行。三則疑也。

六四 損其疾。使遄有喜。无咎。


象曰 損其疾。亦可喜也。

六五 或益之十朋之龜。弗克違。元吉。

象曰 六五元吉。自上祐⁴也。

上九 弗損益之。无咎。貞吉。利有攸往。得臣无家。

象曰 弗損益之。大得志也。

42  震下巽上

益 利有攸往。利涉大川。

象曰 益。損上益下。民說无疆。

自上下下。其道大光。利有攸往。中正有慶。利涉大川。木道乃行。益動而巽。日進无疆。天施地生。其益无方。凡益之道。與時偕行。

象曰 風雷益。君子以見善則

遷。有過則改。

初九 利用爲大作。元吉无咎。

象曰 元吉无咎。下不厚事也。

六二 或益之十朋之龜。弗克違。永貞吉。王用享于帝吉。

象曰 或益之。自外來也。

六三 益之用凶事。无咎。有孚中行。告公用圭⁵。

象曰 益用凶事。固有之也。

六四 中行。告公從。利用爲依遷國。


象曰 告公從。以益志也。

九五 有孚惠心。勿問元吉。有孚惠我德。

象曰 有孚惠心。勿問之矣。惠我德。大得志也。

上九 莫益之。或擊之。立心勿恆。凶。

象曰 莫益之。偏⁶辭也。或擊之。自外來也。

43  乾下兌上

夬 揚于王庭。孚號有厲。告自邑。不利即戎。利有攸往。

1. 已一作以,或作祀 4/18a 2. 遄一作顯 4/18a 3. 征一作往 4/18a 4. 祐一作佑 4/18b
5. 圭上一有桓字 4/18b 6. 偏一作徧 4/18b

象曰 夬。決也。剛決柔也。健而
說。決而和。揚于王庭。柔乘五
剛也。孚號有厲。其危乃光也。
告自邑。不利即戎。所尚乃窮
也。利有攸往。剛長乃終也。

象曰 澤上於天。夬。君子以施
祿及下。居德則忌。

初九 壯于前趾¹。往不勝爲咎。

象曰 不勝而往。咎也。

九二 惕²號。莫夜有戎。勿恤。

象曰 有戎勿恤。得中道也。

九三 壯于頄³。有凶。君子夬夬。

獨行遇雨。若濡有愠。无咎。

象曰 君子夬夬。終无咎也。

九四 臀无膚。其行次⁴且⁵。牽

羊悔亡。聞言不信。

象曰 其行次且。位不當也。聞

言不信。聰不明也。

九五 苒⁶陸⁷夬夬。中行无咎。

象曰 中行无咎。中未光也。

上六 无號。終有凶。

象曰 无號之凶。終不可長也。

44 巽下乾上

姤⁸ 女壯。勿用取⁹女。

象¹⁰曰 姤。遇也。柔遇剛也。勿用
取女。不可與長也。天地相遇。
品物咸章也。剛遇中正。天下
大行也。姤之時義大矣哉。

象曰 天下有風。姤。后以施命
誥¹¹四方。

初六 繫于金柅¹²。貞吉。有攸
往。見凶。羸豕孚蹢¹³躅¹⁴。

象曰 繫于金柅。柔道牽也。

九二 包¹⁵有魚。无咎。不利賓。

象曰 包有魚。義不及賓也。

九三 臀无膚。其行次且。厲。无
大咎。

象曰 其行次且。行未牽也。

九四 包无魚。起凶。

象曰 无魚之凶。遠民也。

九五 以杞包¹⁶瓜。含章。有隕自
天。

1. 趾一作止 5/15b 2. 惕一作錫 5/15b 3. 頄一作頰,或作仇 5/15b 4. 次一作趁,或作蹶,或
作趨 5/15b 5. 且一作起,或作阻 5/15b 6. 苒一作莞 5/15b 7. 陸一作陸 5/15b
8. 姤一作遘 5/15b 9. 取一作娶 5/15b 10. 泰一作象 5/15b 11. 誥一作話
5/16a 12. 柅一作扼,或作轡,或作尼 5/16a 13. 蹢一作擲,或作蹢 5/16a 14. 躅一作躅,
或作蹢 5/16a 15. 包一作庖,或作胞 5/16a 16. 包一作苞 5/16a

下經
姤
萃
升

象曰 九五含章。中正也。有隕
自天。志不舍命也。

上九 姤其角。吝。无咎。

象曰 姤其角。上窮吝也。

45 ䷁ 坤下兌上

萃 亨¹。王假有廟。利見大人。亨。

利貞。用大牲吉。利有攸往。

象曰 萃。聚也。順以說。剛中而

應。故聚也²。王假有廟。致孝

享也。利見大人。亨。聚³以正也。

用大牲吉。利有攸往。順天命

也。觀其所聚。而天地萬物之

情可見矣。

象曰 澤上於地。萃。君子以除⁴

戎器。戒不虞。

初六 有孚不終。乃亂乃萃。若

號一握⁵爲笑。勿恤。往无咎。

象曰 乃亂乃萃。其志亂也。

六二 引吉无咎。孚乃利用禴。⁶

象曰 引吉无咎。中未變也。

六三 萃如嗟如。无攸利。往无

咎。小吝。

象曰 往无咎。上巽也。

九四 大吉无咎。

象曰 大吉无咎。位不當也。

九五 萃有位。无咎匪孚。元永
貞。悔亡。

象曰 萃有位。志⁷未光也。

上六 齋咨涕洟。无咎。

象曰 齋咨涕洟。未安上也。

46 ䷭ 巽下坤上

升⁸ 元亨。用⁹見大人。勿恤。南征
吉。

象¹⁰曰 柔以時升。巽而順。剛中

而應。是以大亨。用見大人。勿

恤。有慶也。南征吉。志行也。

象曰 地中生木。升。君子以順¹¹

德¹²。積小以¹³高大。

初六 允升大吉¹⁴。

象曰 允升大吉。上合志也。

九二 孚乃利用禴。无咎。

象曰 九二之孚。有喜也。

九三 升虛邑。

象曰 升虛邑。无所疑也。

1. 一無亨字 5/16a 2. 一無也字 5/16a 3. 聚一作取 5/16a 4. 除一作諸,或作治,或作慮
5/16b 5. 握一作渥 5/16b 6. 禴一作躍,或作潘 5/16b 7. 一無志字 5/16b
8. 升一作昇 5/16b 9. 用一作利 5/16b 10. 象一作彖 5/16b 11. 順一作慎 5/16b
12. 德一作得 5/16b 13. 以下一有成字 5/16b 14. 吉下一有也字 5/16b

六四 王用亨于岐山。吉。无咎。


象曰 王用亨于岐山。順事也。

六五 貞吉升階。

象曰 貞吉升階。大得志也。

上六 冥升。利于不息之貞。

象曰 冥升在上。消不富也。

47  坎下兌上

困 亨。貞大人吉。无咎。有言不信。

象曰 困。剛揜¹也。險以說。困而不失其所亨。其唯君子乎。貞大人吉。以剛中也。有言不信。尚口乃窮也。

象曰 澤无水。困。君子以致命遂志。

初六 臀困于株木。入于幽谷。

三歲不覿。

象曰 入于幽谷。幽²不明也。

九二 困于酒食。朱紱方來。利用享³祀。征凶无咎。

象曰 困于酒食。中有慶也。

六三 困于石。據于蒺藜。入于其宮。不見其妻。凶。

象曰 據⁴于蒺藜。乘剛也。入于其宮。不見其妻。不祥也。

九四 來徐徐⁵。困于金車⁶。吝。有終。


象曰 來徐徐。志在下也。雖不當位。有與也。

九五 劓刖⁷。困于赤紱。乃徐有說。利用祭⁸祀。

象曰 劓刖。志未得也。乃徐有說。以中直也。利用祭祀。受福也。

上六 困于葛藟⁹。于臲¹⁰臲¹¹。曰動悔有悔。征吉。

象曰 困于葛藟。未當也。動悔有悔。吉行也。

48  巽下坎上

井 改邑不改井。无喪无得。往來井井。汔至亦未繙井。羸¹²其瓶。凶。

1. 揜一作掩,或作弇 5/17a 2. 一無幽字 5/17a 3. 享一作亨 5/17a 4. 據一作據 5/17a
5. 徐徐一作荼荼,或作余余 5/17a 6. 車一作輿 5/17a 7. 劓刖一作臲臲,或作劓劓 5/17a
8. 祭一作享 5/17a 9. 藟一作藟 5/17b 10. 臲一作臲 5/17b 11. 臲一作臲,或作臲
5/17b 12. 羸一作累 5/17b

象曰 巽乎水而上水。井。井養而不窮也。改邑不改井。乃以剛中也。汔至亦¹未繙井。未有功也。羸其瓶。是以凶也。

象曰 木上有水。井。君子以勞民勸相。

初六 井泥不食。舊井无禽。

象曰 井泥不食。下也。舊井无禽。時舍也。

九二 井谷射²鮒。甕敝漏。

象曰 井谷射鮒。无與也。

九三 井渫不食。爲我心恻。可用汲。王明。並受其福。

象曰 井渫不食。行³恻也。求王明。受福也。

六四 井甃无咎。

象曰 井甃无咎。脩⁴井也。

九五 井冽⁵。寒泉食。

象曰 寒泉之食。中正也。

上六 井收⁶勿⁷幕。有孚元吉。

象曰 元吉在上。大成也。

革 巳日乃孚。元亨。利貞。悔亡。

象曰 革。水火相息。二女同居。其志不相得。曰革。巳日乃孚。革而信之⁸。文明以說。大亨以正。革而當。其悔乃亡。天地革而四時成。湯武革命。順乎天而應乎人。革之時大矣哉。

象曰 澤中有火。革。君子以治厯明時。

初九 鞶用黃牛之革。

象曰 鞶用黃牛。不可以有爲也。

六二 巳日乃革之。征吉无咎。

象曰 巳日革之。行有嘉也。

九三 征凶貞厲。革言三就。有孚。

象曰 革言三就。又何之矣。

九四 悔亡有孚。改命吉。

象曰 改命之吉。信志也。

九五 大人虎變。未占有孚。

象曰 大人虎變。其文炳也。

上六 君子豹變。小人革面。征凶。居貞吉。

49 ䷯ 離下兌上

- 1. 一無亦字 5/17b
- 2. 射一作耶 5/17b
- 3. 行上一有其字 5/17b
- 4. 脩一作修 5/17b
- 5. 冽一作冽 5/17b
- 6. 收一作甃 5/17b
- 7. 勿一作罔 5/17b
- 8. 一無之字 5/18a

象曰 君子豹變。其文蔚也。小人革面。順以從君也。

50 ䷱ 巽下離上

鼎 元吉。亨。

象曰 鼎。象也。以木巽火。亨¹飪也。聖人亨以享上帝。而大亨以養聖賢。巽而耳目聰明。柔進而上行。得中而應乎剛。是以元亨。

象曰 木上有火。鼎。君子以正位凝²命。

初六 鼎顛趾。利出否。得妾以其子。无咎。

象曰 鼎顛趾。未悖也。利出否。以從貴也。

九二 鼎有實。我仇有疾。不我能即³。吉。

象曰 鼎有實。慎所之也。我仇有疾。終无尤也。

九三 鼎耳革。其行塞。雉膏不食。方雨虧悔。終吉。

象曰 鼎耳革。失其義也。

九四 鼎折足。覆公餗。其形渥⁴凶。

象曰 覆公餗。信如何也。

六五 鼎黃耳金鉉。利貞。

象曰 鼎黃耳。中以為實也。

上九 鼎玉鉉。大吉。无不利。

象曰 玉鉉在上。剛柔節也。

51 ䷲ 震下震上

震 亨。震來虩虩⁵。笑言啞啞。震驚百里。不喪匕鬯。

象曰 震亨。震來虩虩。恐致福也。笑言啞啞。後有則也。震驚百里。驚遠而懼邇也。出可以守宗廟社稷。以為祭主也。

象曰 洊雷。震。君子以恐懼脩⁷省。

初九 震來虩虩。後笑言啞啞。吉。

象曰 震來虩虩。恐致福也。笑言啞啞。後有則也。

六二 震來厲。億⁸喪貝。躋⁹于九陵。勿逐。七日得。

1. 亨一作宮，或作烹 5/18a 2. 凝或作擬 5/18b 3. 不我能即一作不能我即 5/18b

4. 渥一作副 5/18b 5. 虩虩一作懇懇，下同 5/18b 6. 言一作語，下同 5/18b 7. 脩一作修 5/19a

8. 億一作噫 5/19a 9. 躋一作躋 5/19a

下經
震
艮
漸

象曰 震來厲。乘剛也。

六三 震蘇蘇。震行无咎。

象曰 震蘇蘇¹。位不當也。

九四 震遂²泥。

象曰 震遂泥。未光也。

六五 震往來厲。意³无喪有事。

象曰 震往來厲。危行也。其事在中。大无喪也。

上六 震索索。視矍矍。征⁴凶。震不于其躬。于其鄰。无咎。婚媾有言。

象曰 震索索。中未得也。雖凶无咎。長鄰戒也。

52  艮下艮上

艮 其背。不獲其身。行其庭。不見其人。无咎。

象曰 艮止也。時止則止。時行則行。動靜不失其時。其⁵道光。明。艮其止。止其所也。上下敵應。不相與也。是以不獲其身。行其⁶庭不見其人。无咎也。

象曰 兼山。艮。君子以思不出

其位。

初六 艮其趾⁷。无咎。利永貞。

象曰 艮其趾。未失正也。

六二 艮其腓⁸。不拯⁹其隨。其心不快。

象曰 不拯其隨。未退聽也。

九三 艮其限。列其夤。厲熏心。

象曰 艮其限。危熏心也。

六四 艮其身。无咎。

象曰 艮其身。止諸躬也。

六五 艮其輔。言有序。悔亡。

象曰 艮其輔。以中正也。

上九 敦艮吉。

象曰 敦艮之吉。以厚終也。

53  艮下巽上

漸 女歸吉。利貞。

象曰 漸之進也。女歸吉¹⁰也。進得位。往有功也。進以正。可以正邦也。其位剛得中也。止而巽。動不窮也。

象曰 山上有木。漸。君子以居賢德善俗¹¹。

1. 蘇下一有也字 5/19a 2. 遂一作隊 5/19a 3. 意一作億 5/19a 4. 征一作往 5/19a

5. 一無其字 5/19a 6. 一無其字 5/19a 7. 趾一作止 5/19b 8. 腓一作肥 5/19b

9. 拯一作承 5/19b 10. 吉也一作吉利貞 5/19b 11. 俗上一有風字 5/19b

初六 鴻漸于干。小子厲有言。

無咎。

象曰 小子之厲。義无咎也。

六二 鴻漸于磐。飲食衎衎。吉。

象曰 飲食衎衎。不素飽也。

九三 鴻漸于陸。夫征不復。婦

孕¹不育。凶。利禦寇。

象曰 夫征不復。離羣醜也。婦

孕不育。失其道也。利用禦寇。

順相保也。

六四 鴻漸于木。或得其桷。无咎。

象曰 或得其桷。順以巽也。

九五 鴻漸于陵。婦三歲不孕。

終莫之勝。吉。


象曰 終莫之勝。得所願也。

上九 鴻漸于陸。其羽可用爲

儀。吉。

象曰 其羽可用爲儀。不可

亂也。

54  兌下震上

歸妹 征凶。无攸利。

象曰 歸妹。天地之大義也。天

地不交。而萬物不興。歸妹。人

之終始也。說以動。所²歸妹也。

征凶。位不當也。无攸利。柔乘

剛也。

象曰 澤上有雷。歸妹。君子以

永終知敝。

初九 歸妹以娣。跛能履。征吉。

象曰 歸妹以娣。以恒也。跛能

履吉。相承也。

九二 眇能視。利幽人之貞。

象曰 利幽人之貞。未變常也。

六三 歸妹以須⁴。反歸以娣。

象曰 歸妹以須。未當也。

九四 歸妹愆期。遲歸有時。

象曰 愆期之志。有待⁵而行也。

六五 帝乙歸妹。其君之袂。不

如其娣之袂良。月幾⁶望吉。


象曰 帝乙歸妹。不如其娣之

袂良也。其位在中。以貴行也。

上六 女承筐⁷无實。士刲羊无

血。无攸利。

象曰 上六无實。承虛筐也。

55  離下震上

1. 孕一作乘 5/19b 2. 所下一有以字 5/20a 3. 敝一作弊 5/20a 4. 須一作媼 5/20a

5. 待一作時 5/20a 6. 幾一作既 5/20b 7. 筐一作匡 5/20b

下經
豐
旅

豐 亨。王假之。勿憂。宜日中。

象曰 豐大也。明以動。故豐。王假之。尚大也。勿憂宜日中。宜照天下也。日中則昃¹。月盈則食²。天地盈虛。與時消息。而況於人乎。況於鬼神乎。

象曰 雷電皆至。豐。君子以折獄致刑。

初九 遇其配³主。雖旬⁴无咎。

往有尙。

象曰 雖旬无咎。過旬災也。

六二 豐其蔀⁵。日中見斗⁶。往得疑疾。有孚發若。吉。

象曰 有孚發若⁷。信以發志也⁸。

九三 豐其沛⁹。日中見沫¹⁰。折其右肱¹¹。无咎。

象曰 豐其沛。不可大事也。折其右肱。終不可用也。

九四 豐其蔀。日中見斗。遇其夷主。吉。

象曰 豐其蔀。位不當也。日中見斗。幽不明也。遇其夷主。吉行也。

六五 來章。有慶譽吉。

象曰 六五之吉。有慶也。

上六 豐其屋。蔀其家。闕其戶。闕¹²其无人。三歲不覿。凶。

象曰 豐其屋。天際翔¹³也。闕其戶。闕其无人。自藏¹⁴也。

56  艮下離上

旅 小亨。旅貞吉。

象曰 旅。小亨。柔得中乎外而順乎剛。止而麗乎明。是以小亨旅貞吉也。旅之時義大矣哉。

象曰 山上有火。旅。君子以明慎用刑。而不留獄。

初六 旅瑣瑣。斯其所取災。

象曰 旅瑣瑣。志窮災也。

六二 旅即次。懷其資¹⁵。得童

1. 昃一作仄,或作稷 6/11b 2. 食一作蝕 6/11b 3. 配一作妃 6/11b 4. 旬一作均,或作鈞 6/11b 5. 蔀一作菩 6/11b 6. 斗一作主 6/11b 7. 若下一有吉字 6/11b 8. 一無也字 6/11b 9. 沛一作旆,或作帶,或作章 6/11b 10. 沫一作昧 6/11b 11. 肱一作肢 6/11b 12. 闕一作闕,或作闕,或作窳 6/12a 13. 翔一作祥 6/12a 14. 藏一作戕 6/12a 15. 資下一有斧字 6/12a

僕貞。

象曰 得童僕貞。終无尤也。

九三 旅焚其次。喪其童僕。貞厲。

象曰 旅焚其次。亦以傷矣。以旅與下。其義喪也。

九四 旅于處。得其資¹斧。我心不快。

象曰 旅于處。未得位也。得其資斧。心未快也。

六五 射雉。一矢亡。終以譽命。

象曰 終以譽命。上逮也。

上九 鳥焚其巢。旅人先笑後²號咷。喪牛于易。凶。

象曰 以旅在上。其義焚也³。

喪牛于易⁴。終莫之聞也。

57 巽下巽上

巽 小亨。利有攸往。利見大人。

象曰 重巽以申命。剛巽乎中正而志行。柔皆順乎剛。是以小亨。利有攸往。利見大人。

象曰 隨風。巽。君子以申命行事。

初六 進退。利武人之貞。

象曰 進退。志疑也。利武人之貞。志治也。

九二 巽在牀下。用史巫。紛若吉。无咎。

象曰 紛若之吉。得中也。

九三 頻⁵巽吝。

象曰 頻巽之吝。志窮也。

六四 悔亡。田獲三品。

象曰 田獲三品。有功也。

九五 貞吉悔亡。无不利。无初有終。先庚三日。後庚三日。吉。

象曰 九五之吉。位正中也。

上九 巽在牀下。喪其資斧。貞凶。

象曰 巽在牀下。上窮也。喪其資斧。正乎凶也。

58 兌下兌上

兌 亨。利貞。

象曰 兌說也。剛中而柔外。說以利貞。是以順乎天而應乎人。說以先民。民忘其勞。說以犯難。民忘其死。說之大。民勸

1. 資一作齊 6/12a 2. 後下一有而字 6/12b 3. 其義焚也一作宜其焚也 6/12b

4. 喪牛于易一作喪牛之凶 6/12b 5. 頻一作嘖 6/12b

下經
兌
渙
節

矣哉。

象曰 麗¹澤。兌。君子以朋友講習。

初九 和兌吉。

象曰 和兌之吉。行未疑也。

九二 孚兌²吉。悔亡。

象曰 孚兌之吉。信志也。

六三 來兌凶。

象曰 來兌之凶。位不當也。

九四 商兌未寧。介疾有喜。

象曰 九四之喜。有慶也。

九五 孚于剝。有厲。

象曰 孚于剝。位正當也。

上六 引兌。

象曰 上六引兌。未光也。

59 ䷺ 坎下巽上

渙 亨。王假有廟。利涉大川。利貞。

象曰 渙亨。剛來而不窮。柔得位乎外而上同。王假有廟。王乃在中也。利涉大川。乘木有功也。

象曰 風行水上。渙。先王以享

于帝³立廟。

初六 用拯⁴馬壯吉⁵。

象曰 初六之吉。順也。

九二 渙奔其机。悔亡。

象曰 渙奔其机。得願也。

六三 渙其躬。无悔。

象曰 渙其躬。志在外也。

六四 渙其羣元吉。渙有丘⁶。匪夷⁷所思。

象曰 渙其羣元吉。光大也。

九五 渙汗其大號。渙。王居无咎。

象曰 王居无咎。正位也。

上九 渙其血。去逖出。无咎。

象曰 渙其血。遠害也。

60 ䷻ 兌下坎上

節 亨。苦節不可貞。

象曰 節亨。剛柔分而剛得中。苦節不可貞。其道窮也。說以行險。當位以節。中正以通。天地節而四時成。節以制度。不傷財。不害民。

象曰 澤上⁸有水。節。君子以制

1. 麗一作離 6/13a 2. 兌一作說 6/13a 3. 帝上一有上字 6/13a 4. 拯一作拏 6/13a

5. 吉下一有悔亡二字 6/13a 6. 丘一作近 6/13a 7. 夷一作弟 6/13a 8. 上一作中 6/13b

數度。議德行。

初九 不出戶庭。无咎。

象曰 不出戶庭。知通塞也。

九二 不出門庭。凶¹。

象曰 不出門庭凶。失時極也。

六三 不節若。則嗟若。无咎。

象曰 不節之嗟。又誰咎也。

六四 安節亨。

象曰 安節之亨。承上道也。

九五 甘節吉。往有尙。

象曰 甘節之吉。居位中也。

上六 苦節貞凶。悔亡。

象曰 苦節貞凶。其道窮也。

象曰 初九虞吉。志未變也。

九二 鳴鶴³在陰。其子和之。我

有好爵。吾與爾靡⁴之。

象曰 其子和之。中心願也。

六三 得敵。或鼓或罷。或泣或

歌。

象曰 或鼓或罷。位不當也。

六四 月幾⁵望。馬匹亡。无咎。

象曰 馬匹亡。絕類上也。

九五 有孚攣如。无咎。

象曰 有孚攣如。位正當也。

上九 翰音登于天。貞凶。

象曰 翰音登于天。何可長也。

61 ䷛ 兌下巽上

中孚 豚²魚吉。利涉大川。利貞。

象曰 中孚。柔在內而剛得中。

說而巽孚。乃化邦也。豚魚吉。

信及豚魚也。利涉大川。乘木

舟虛也。中孚以利貞。乃應乎

天也。

象曰 澤上有風。中孚。君子以

議獄緩死。

初九 虞吉。有他不燕。

62 ䷛ 艮下震上

小過 亨。利貞。可小事。不可大

事。飛鳥遺之音。不宜上宜下。

大吉。

象曰 小過。小者過而亨也。過

以利貞。與時行也。柔得中是

以小事吉也。剛失位而不中。

是以不可大事也。有飛鳥之

象焉。飛鳥遺之音。不宜上宜

下。大吉。上逆而下順也。

1. 凶上一有之字 6/13b

2. 豚一作豕 6/13b

3. 鳴鶴一作鶴鳴 6/14a

4. 靡一作靡。或作靡。或作靡 6/14a

5. 幾一作近。或作既 6/14a

下經 小過 既濟 未濟

象曰 山上有雷。小過。君子以行過乎恭。喪過乎哀。用過乎儉。

初六 飛鳥以凶。

象曰 飛鳥以凶。不可如何也。

六二 過其祖。遇其妣。不及其君。遇其臣。无咎。

象曰 不及其君。臣不可過也。

九三 弗過防之。從或戕之。凶。

象曰 從或戕之。凶如何也。

九四 无咎。弗過遇之。往厲必戒。勿用永貞。

象曰 弗過遇之。位不當也。往厲必戒。終不可長也。

六五 密雲不雨。自我西郊。公弋取彼在穴。

象曰 密雲不雨。已上¹也。

上六 弗遇過之。飛鳥離之。凶。是謂災眚。

象曰 弗遇過之。已亢也。

63  離下坎上

既濟 亨小。利貞。初吉。終亂。

象曰 既濟亨。小者亨也。利貞。

剛柔正而位當也。初吉。柔得中也。終止則亂。其道窮也。

象曰 水在火上。既濟。君子以思患而豫防之。

初九 曳其輪。濡其尾。无咎。

象曰 曳其輪。義无咎也。

六二 婦喪其茀²。勿逐。七日得。

象曰 七日得。以中道也。

九三 高宗伐鬼方。三年克之。

小人勿用。

象曰 三年克之。憊³也。

六四 繻⁴有衣袽⁵。終日戒。


象曰 終日戒。有所疑也。

九五 東鄰殺牛。不如西鄰之禴祭。實受其福。

象曰 東鄰殺牛。不如西鄰之時也。實受其福。吉大來也。

上六 濡其首。厲。

象曰 濡其首厲。何可久也。

64  坎下離上

未濟 亨。小狐汔濟。濡其尾。无攸利。

象曰 未濟亨。柔得中也。小狐

1. 上一作尙 6/14b

2. 茀一作髻，或作紱，或作髻 6/14b

3. 憊一作備 6/14b

4. 繻一作縵 6/15a

5. 袽一作茹，一作絮 6/15a

汔濟。未出中也。濡其尾。无攸利。不續終也。雖不當位。剛柔應也。

象曰 火在水上。未濟。君子以慎辨物居方。

初六 濡其尾。吝。

象曰 濡其尾。亦不知極也。

九二 曳其輪。貞吉。

象曰 九二貞吉。中以行正也。

六三 未濟征凶。利涉大川。

象曰 未濟征凶。位不當也。

九四 貞吉悔亡。震用伐鬼方。

三年有賞于大國。

象曰 貞吉悔亡。志行也。

六五 貞吉无悔。君子之光。有孚吉。

象曰 君子之光。其暉吉也。

上九 有孚于飲酒。无咎。濡其首。有孚失是。

象曰 飲酒濡首。亦不知節也。

繫辭 上

I

天尊地卑¹。乾坤定矣。卑高以陳。貴賤位矣。動靜有常。剛柔斷矣。方以類聚。物以羣分。吉凶生矣。在天成象。在地成形。變化見矣。是故。剛柔相摩²。八卦相盪³。鼓之以雷霆。潤之以風雨。日月運⁴行。一寒一暑。乾道成男。坤道成女。乾知大⁵始。坤作⁶成物。乾以易知。坤以簡能。易則易知。簡則易從。易知則有親。易從則有功。有親則可久。有功則可大。可久則賢人之德。可大則賢人之業。易簡而天下之理得矣。天下之理得。而成⁷位乎其中矣。

II

聖人設卦觀象。繫辭焉而明吉凶⁸。剛柔相推而生變化。是故⁹吉凶者。失得之象也。悔吝者。憂虞之象也。變化者。進退之象也。剛柔者。晝夜之象

1. 卑一作埤 7/14b 2. 摩一作磨 7/14b 3. 盪一作蕩 7/15a 4. 運一作遠 7/15a
5. 大一作泰 7/15a 6. 作一作化 7/15a 7. 成上一有易字 7/15a 8. 凶下一有悔吝
二字 7/15a 9. 故一作以 7/15a